

2015eko bigarren hiruhilekoan 2.106 ezkontza izan genituen Euskal AEn, aurreko urtean baino %3,5 gutxiago

Ezkontza zibilen portzentajea (%83) ehuneko 6 puntuz handiagoa aurreko urtean (%77) baino

2015eko bigarren hiruhilekoan, Euskal AEn 2.106 ezkontza izan ziren, iazko aldi berean baino %3,5 gutxiago. Gipuzkoan 687 ezkontza (%-8,2); Araban 310 (%-4,9); Bizkaian 1.057 (%+0,4); 52 bikotek bizilekua Euskal AEtik kanpo kokatu zuten.

2015eko udaberrian, ezkontzen %83, zibilak; 2014ko aldi berean baino ehuneko 6 puntu gehiago; 2015eko lehen hiruhilekokoaren (%92,4) azpitik. Bigarren hiruhileko horretan dezente hazi zen ezkontza kopurua, batez ere maiatz eta ekainean; aurreko hiruhilekoan ez bezala, neguko hiletan ezkontza gutxi izaten baita.

2015eko bigarren hiruhileko 2.106 ezkontzetan, bizilekua Euskal AEn duten 2.034 gizon eta 2.051 emakume ezkondu ziren. 1.793 senarrentzat (%88,2), lehen ezkontza; 11 alargun eta 230 dibortziatu berriro ezkondu ziren. Emakumeen lehen ezkontzen ehunekoa gizonenaren antzekoa izan zen: emakume ezkongabeak, 1.807 (%88,1); alargunak, 4; dibortziatuak, 240.

Mantendu egiten da gero eta nagusiago ezkontzeko joera

Senarren %90ek 30 urtetik gora zituzten, emazteen %80,9k. Proportzio horiek 2014ko hiruhileko berekoak baino handiagoak dira (%88,7 eta %76,4); hiruhileko horretan ere eutsi egin zaio gero eta nagusiago ezkontzeko joerari.


2015eko apiril, maiatz eta ekaineko gizon ezkonberrien %5,8 eta emakumeen %8,6 atzerritarrak ziren. Aurreko urteko hiruhileko beraren aldean, bi hamarren gehiago gizonen artean eta lau emakumeen artean.

Sexu bereko pertsonen artean, 41 ezkontza; urtebete lehenago, 32.

	2015ko 2. hiruhilekoa		Aurreko hiruhilekoa (2015ko 1. hiruhilekoa)		Aurreko urteko hiruh. bera (2014ko 2. hiruhilekoa)	
	kop.	%	kop.	%	kop.	%
EZKONTZAK	2.106	100,0	874	100,0	2.182	100,0
Kanonikoak	359	17,0	66	7,6	503	23,1
Zibilak	1.747	83,0	808	92,4	1.679	76,9
SENARGAIK	2.034	100,0	841	100,0	2.110	100,0
Ezkongabeak	1.793	88,2	720	85,6	1.879	89,1
Alargunak	11	0,5	9	1,1	8	0,4
Dibortziatuak	230	11,3	112	13,3	223	10,6
EMAZTEGAIK	2.051	100,0	853	100,0	2.135	100,0
Ezkongabeak	1.807	88,1	708	83,0	1.904	89,2
Alargunak	4	0,2	7	0,8	8	0,4
Dibortziatuak	240	11,7	138	16,2	223	10,4

Iturria: Eustat. Ezkontzen estatistika

Bizilekua Euskal AEn dutenen ezkontzak. Hileko datuak



Iturria: Eustat. Ezkontzen estatistika

Informazio gehiago:

Eustat - Euskal Estatistika Erakundea / Instituto Vasco de Estadística
 Donostia-San Sebastián, 1. 01010 Vitoria-Gasteiz
 Prentsa zerbitzua: servicioprensa@eustat.eus Tel.: 945 01 75 62
 Euskal AEko ezkontzen estatistikari buruzko prentsa-ohar gehiago
 Euskal AEko ezkontzen estatistikari buruzko datu-bankua